

圭塘欵乃集



圭塘欵乃集

許有壬等纂

中華書局

圭塘欵乃集

元

許有壬許有孚許

楨馬

熙篴

有壬字可用彰德路湯陰人元延祐二

卒諡文忠有孚字可行有壬之弟登進士第歷官南行臺

御史同食太常禮儀院事

楨字元幹有壬之子以門功

補太祝熙字明初衡州安仁人歷官右衛率府教授

有壬之弟登進士第歷官南行臺

有壬之弟登進士第歷官南行臺

有壬之弟登進士第歷官南行臺

有壬之弟登進士第歷官南行臺

有壬之弟登進士第歷官南行臺

序

圭塘欵乃者御史中丞安陽許公與其季氏都司君可行其客馬君明初及公之冢嗣國子上舍生楨閒居倡和之什也公謝事歸相城於其第之西二里得康氏廢園薙灌莽剗櫛翳廓然一新既又鑿池其中袤廣以步計者千餘深八尺形如桓圭雙洲右枕孤隄左峙夷隄緣焉回垣繚焉導渠西北時其洩閼直坤有崇臺西山在肘亦閒繕完舊亭勝槩方獻道在其南梁于道之半池清見底魚潑刺可數於是泛池有舟涉川有橋夫渠楊柳叢栗桑榆梅榴桃杏蒼松翠竹繁華豐草周於池之中外蓋培植踰年而後成燠涼炎凍雖異候而生意源源娛目暢懷無時或閒惟二古檜歸然乃康氏故物公既甚愛之時杖屨攜弟若子會賓友觴詠其間以池之占勝居多故以圭塘名而此倡彼和宮商遞宣少長同驩主賓相忘一草一木品題不遺故名其篇集曰欵乃若漁歌互答然亦謙辭也都司君遂自爲引裒爲巨帙或傳至京師伯琦得而盡閱之詩古律五七言二百一十九樂府六十六總之二百八十有五其中惟樂府十解馬

明初所作。餘皆公與弟若子一家所作也。嘻。何其盛哉。惟賢人君子。有濟世之偉業者。必有絕世之高致。蓋識見預定於胸臆。行藏一安於所遇。蘊之豐則發之宏。發之宏則蘊之者益豐矣。古昔游賞之跡。若東山作綠野。若平泉則輞川龍門。其境未嘗不勝也。或時有未偶。或志有未遂。或地非其鄉。至於子弟之才。美皆不見稱於世。眉山蘇氏。一門詞藻盛矣。然用世未竟。間關嶺海。莫年來歸。各謀僑居。未聞有燕集游覽之樂。山是觀之。功名之際。家庭之間。有不得兼其美者多矣。獨安陽公。以命世之賢。際熙洽之運。自處士時。已負重望。及居宰輔。慨然以天下爲己任。迪德明謨。培元氣。植善類。正色立朝。將三十年。天下陰受其賜而不知也。年方耳順。角巾東第。坐對桑梓。泊然韋布。園林池亭。泉石之勝。旣甲一方。而棣萼芝蘭之暉映。又英發杰出。玩造化於品物。暢情性於彝倫。家傳戶誦。如獲親炙。天下之美。昔人之所未得者。遂兼有之。然非受於天者厚。固不能以具諸美。非造於道者深。亦不能以一朝享也。孔子曰。精義入神。以致用也。利用安身。以崇德也。用被於人。德尊於己。樂行憂遠。無施不可。非義精仁熟。如吾安陽公者。不足以與於此。伯琦從公遊。非一日。辱知最深。故於圭塘之詠。推本而言之。使知公者。求公於樂山樂水之間。而不可與流連光景。忘世徇情者。並論也。謹書於欵乃篇什之端。以見安陽公一門文物之盛。至正十年歲在庚寅七月。旣望鄱陽周伯琦序。

有孚

圭塘欵乃井引

至正戊子秋。吾兄中丞公。以賜金得康氏廢園於相城之西。池陴亭圯。垣堦卉木伐。唯雙古檜在。庀徒具畚鍤。從事疏鑿。池廣袤千餘步。深一切。形如桓圭。西櫛二洲。東規一島。帶以平堤。繚以周垣。渠於乾艮。以時啓閉。臺於坤維。高可數丈。西山巖麓。近在眉睫。百里之景。可攬而有視。亭之罅漏。填葺而戶牖之。南爲道。道中爲橋。十一月五日。導水入池。縱魚數千尾。作樂合賓友落成。將橋於二洲。舫於水。達於池。柳于堤。果于亭側。松竹花草于池南。次第而時植焉。昔人平泉綠塹。吾不知其何如。若是園者。亦城西之佳地矣。公杖屨。或氍衣。或宮錦。招佳賓。挈子弟。觴詠其間。香山獨樂。不是過也。公嘗謂池成。當用晁補之摸魚子首句。買陂塘。旋栽楊柳。爲樂府。未幾。明初馬先生。先撫此。以爲公壽。公歎然。卽席和之。命有字同賦。得二首。池旣成。載廣八韻。通爲十闋。以成初意。且以爲同聲唱和張本。公因題之曰圭塘欵乃。是池得佳名矣。然園有亭臺。命名紀實。則必待公爲記焉。

買陂塘。旋栽楊柳。詩翁急欲知務。平生想像江湖意。幾度雞鳴風雨。鳬有渚。直晚景桑榆。才得烟霞嶼。先賢好語。道鍾鼎山林。神仙宰相。從昔不同趣。西池路。天意而今都許。佳人協律調呂。浮沉頗入雞豚社。其奈香山佳句。誰我醋。又菊節相催。先約修花譜。猶今視古。有洄水秋聲。林慮爽氣。壯觀我西園。買陂塘。旋栽楊柳。山中道士家務。豐年城市秋偏好。又近重陽風雨。蘭汎渚。雖信美江山。不似吾雙嶼。孫兒學語。說桑梓光陰。松筠節操。歲歲有驪趣。沙堤路。身退功成天許。非熊夢斷占呂。但教階下人如謝。解道春池新句。尊有醋。更不說傳家事業光。吾譜衣冠尙古。有雙檜亭臺。萬荷池沼。安我邵平圃。

買陂塘旋栽楊柳。平章風月。專務歸來。溫樹無人問。但聽四窗荷雨。圓作渚。准擬似神山。瀛海烟波。喚凭闌獨話。笑元亮謀生。稊多菊在。惟識酒中趣。東華路。朝士從朝推許。廟堂議論如呂。謝學士序公文過集曰。端承乏翰林。亦嘗得豫廟堂大議。公於事有不可。輒危言極論。盡其後當何如。蓋道義節不曾說來。問者爲竦立。而今不說經綸話。只辦城西聯句。鄰酒酌更乘興相從。香鼎并琴譜。平生考古已散卻黃金。換回清福。倚杖看爲園。

買陂塘旋栽楊柳。園亭儘有公務。東山更理閒絲竹。莫用蒼生霖雨。鷗鷺渚。澹相對忘機。不羨蓬瀛。平生願語。便泉石膏肓。烟霞痼疾。始遂隱居趣。邯鄲路。老我頭顱如許。黃糧何日逢呂。斜川便是桃源洞。千載歸來辭句。巾漉醕。笑琴亦無絃。何處求新譜。茫茫萬古。任滄海桑田。白衣蒼狗。不到老農圃。買陂塘旋栽楊柳。閒人有此忙務。平泉綠野吾無羨。僅著一蓑烟雨。舟泊渚。更把釣觀魚。宛在池中。喚撥髯自語。待月到天心。風來水面。笑領此時趣。堤邊路。廡藥鄰翁相許。阿蒙非復吳呂。西山如畫花如錦。專待公來尋句。瓢挹醕。聽牧唱樵歌。高下從無譜。何須說古。只待漏東華。軟塵千尺。應不到茲園。買陂塘旋栽楊柳。佳人屢輟齋務。扁舟蕩漾亭深處。堪避片雲疎雨。明月渚。有仙子凌波解佩留芳。喚園丁亦語。道四美俱全。二難巧遇。杯酒易成趣。昇平相元與旌陽同許。水雲身世希呂。歸來卻覓玄真子。不和岳陽樓句。斟桂醕。悵瑤琴朱絃。遺曲誰能譜。談今援古。聽無底書囊。有源詩派。何必種芝圃。買陂塘旋栽楊柳。不妨三月農務。溪翁走報新痕漲。昨夜西山雷雨。將沒渚。有複道雙洲。繚繞通孤嶼。黃鸝對語。正春色暄妍。物華明媚。好在洛沂趣。天涯路。芳草茫茫如許。蠻牋難寫心呂。碧雲冉冉春波綠。

都是相思情。句花共醕。似梅與山礬。臭味會同譜。堤陰樹古。要亂絮漫空。柔條蘸水。慎勿折樊園。
買陂塘。旋栽楊柳。詩人何遜。曹務水雲鄉。裏看雲錦。不羨落花紅。雨如願。潯淪鮮鱗。銀絲。畫舫縈回嶼。華
嬌欲語。任激灩荷觴。淋漓宮錦。痛飲是佳趣。虛閒地。更有圖書如許。坑灰追笑。臧呂北窗。一榻清風細。
讀罷義文章。句姑置。醕對避暑樓臺。名畫宣和譜。亭前榆古。看黛色參天。霜皮溜雨。閒煞淡陰圃。
買陂塘。旋栽楊柳。新來已見成務。小山叢桂人如玉。何用爲雲爲雨。懷北渚。悵渺渺子懷。目斷游龍嶼。馮
誰寄語。正宋玉悲秋。桓溫種木。妨我遠游趣。西風勁。一鶚橫空何許。匆匆月又南呂。崇臺迥出雲霄表。
好是登高題句。時載醕。卻不是香山淚落琵琶譜。毋多讓。古有黃菊青松。寒香晚節。吾不負吾圃。
買陂塘。旋栽楊柳。英雄頗識時務。老臣正欲彰君賜。未辨萬間風雨。安石渚。可無事爭墩。吾自安吾嶼。從
人浪語。且雪後觀山。鐙前飛蓋。不動剡溪趣。西湖夢。卻要扁舟來許。何時命駕如呂。對梅渾似蘇堤上。
追和逋仙佳句。茶當醕。有佳客相過。刻燭論詩譜。因評近古。自畫錦歸來。觀魚軒後。誰更問園圃。

可翁和

明初賦摸魚子壽予。既次其韻而可行和之成什。衰病技癢。亦足爲十首。
買陂塘。旋栽楊柳。歸來此是先務。他鄉故里。都休休。舊雨不如今雨。鴻在渚。笑爾尙南飛。吾已安弧嶼。黃
花解語。道人老宜秋。身安耐酒。此正有真趣。鑾坡路。大手深慙燕許。超騰又悖鍾呂。但求閒澹如元亮。
卻恨詩多奇句。傾綠醕。底須按樂天。池上霓裳譜。休論往古。有三日重陽。約君同醉。老子築西園。

買陂塘旋栽楊柳。開官宜治閒務。老天助我攻清澹。兩月不遭泥雨。規別渚。更累土爲山。留土分爲嶼。鄉人共語。歎百歲陞蕪。一朝疏鑿。此去日成趣。江湖願。自是平生心。許元英誰羨。陳呂石渠細溜。鳴琴筑。清侶我家詩句。杯引酌。便收拾松風。寫入絲桐譜。區區學古。愧竊祿無功。投閒有分。猶患不如歸。買陂塘旋栽楊柳。年來於此承務。涼臺煨館。吾何有。聊芘一時風雨。洲曠渚向一片烟波。鼎峙嵯峨嶼。盤空硬語。挽三峽詞源。千軍筆陣。不盡樂閒趣。當年志。爲國微軀。曾許青雲。仍際觀呂從知。弱步難勝重。夢斷九天臚句。時飲酌。趁四序栽花。綴作園池譜。長歌弔古。悵安得良田。茫茫萬頃。種玉闢玄圃。買陂塘旋栽楊柳。田園忙勝官務。放魚種藕。常無暇。移竹又當新雨。由近渚。駕一葉扁舟。時復還吾嶼。花香鳥語。況心上無縈。眼前多景。絃外有琴趣。尊疊小。能費人間幾許。荷香惟欠仙呂。天光雲影。清難寫。盡日撚須無句。池作酌。要醉上通明。傳取鈞天譜。西山翠古。任列壑爭譏。攢峯竦。詎難及野人圃。買陂塘旋栽楊柳。塵凡皆與停務。半生醉夢人間世。翻覆幾回雲雨。歸有渚。似真到三山。縹緲紅雲嶼。忘懷笑語。任白鷺驚飛。蒼苔不掃。去此便無趣。斜川路。宇宙茫茫。何許綺園肯附。諸呂悠然。一見南山後。便覺世多塵句。持此酌。論心事中。間異姓還同譜。迂疎好古。因莖菊栽松。滋蘭植蕙。荒了種瓜圃。買陂塘旋栽楊柳。散人不理他務。柳栽近水。應先綠。應用等閒霖雨。邊北渚。看雙檣蟠空。倒影搖烟嶼。千言萬語。只今日投簪。經年閉戶。便自得天趣。眞男子。報國誰如張許。論交仍負稽呂。我今但要閒陶寫。幸免鏤章雕句。村甕酌。此眞是交梨火棗。傳家譜。庭空樹古。有野鶴時來。衡門不鎖。清徹地仙圃。

買陂塘旋栽楊柳。歸農未免多務。一亭四序饒風景。且說夜來春雨。香濕渚。愛新柳依條。數影連三嶼。黃鸝不語。怕曲几團蒲。坐忘未定。驚破靜中趣。功名事。卻笑平生自許。誰調陽律陰呂。而今且向東君問。舊句豈如新句。開臘。要醉喚石湖。重緝寒梅譜。榮枯自古。趁九十韶華。六旬餘力。終日醉吾圃。買陂塘旋栽楊柳。清風淨掃塵務。柳陰已見疎成密。又聽綠荷敲雨。鳴戲渚。奈條爾翻飛。飛過崔嵬嶼。形神自語。豈世事相縈。機心未息。物我不同趣。池亭小。收斂風烟來許。漁歌何愧鍾呂。水紋瓦影相娛悅。高詠退之佳句。荷酌。有一曲滄浪。不犯人間譜。悠悠振古。問誰似吾儕。攻迂習。濟爲水廢場圃。買陂塘旋栽楊柳。眼中已辨歸務。柳成修幹連成實。均沐老天恩雨。憐小渚。欲氣象陵。海上神仙嶼。神仙有語。任涓滴蹄涔。茫洋鯨浪。各自適歸趣。星星鬢。鏡裏衰容如許。西風又動商呂。九原宋玉悲何及。付與短歌長句。飄泛。醕縱不到箕山。也是曾通譜。希賢信古。看畫錦堂前。霜天老月。千載照韓圃。買陂塘旋栽楊柳。田家小小成務。一年清景君須記。大勝草烟花雨。水沍渚。把一片玻璃。圍護瓊瑤嶼。釣簾獨語。是天富貧家。地輸清供。種種出奇趣。桑榆樂。造物而今已許。一竿自昔歸呂。圭塘欸乃烟波曲。卻屬腐儒章句。曾有醕。是波若神湯。世與詩同譜。誰能復古。且池上觀梅。爐中煨芋。鐙下治書圃。

明初和井序

中執法安陽公初度之辰。熙賦樂府爲壽。以買陂塘旋栽楊柳爲首句。爲新得園池成公志也。公泊可行都司各和二首。禎和二首。旣而可行董浚築之役。竣事復八賡韻。公亦如之。愈出而愈奇。有本者如是夫。

公命熙復廣而廳枝窮矣。搜枯得九首。并倡爲十闕。謹錄以呈。伏希指教。

買陂塘。旋栽楊柳。參知綠野機務。春花秋月冬宜雪。夏有芰風荷雨。亭北渚。更倚棹觀魚。時憩東西嶼。歇髻自語。任黃閣絲綸。彤庭劍履。未換涉園趣。人間世。多少高眠巢許。勳庸終愧伊呂。得閒宰相方爲貴。誰識山中詩句。觴玉醕。看老鶴蹠蹠。舞入南飛譜。清風萬古。是舊隱歸韓。新堂醉白。香滿菊花園。

買陂塘。旋栽楊柳。參知老圃機務。宰臣得請歸田里。久旱忽逢甘雨。懷鄂渚。悵黃鶴樓前。鸚鵡翔烟嶼。騷魂可語。奈信美江山。無窮湖海。難得故鄉趣。西園地。天意昔年曾許。塤篪近協音呂。築臺浚沼方竣事。更辦雪兒佳句。仍酌醕。爲禱爾三家。恐有治園譜。今吾勝古。問孟氏芳鄰。何時康樂。何似束之園。

買陂塘。旋栽楊柳。參知圭沼機務。石渠瀟灑鳴西北。不用九天瓢雨。魚在渚。又戲藻翻荷。遠近方圓嶼。魚如解語。道惠子忘言。莊周忘象。豈識水中趣。寒泉上。雲影天光如許。高談曾會朱呂。此中儘有源頭水。添我感懷新句。姑卻醕。便合著葉嘉。百世雲仍譜。心源汲古。任智井無波。方塘好在。餘澗及蔬圃。

買陂塘。旋栽楊柳。參知三島機務。方壺員嶠千夫力。揮汗已能成雨。鳧立渚。著雨兩胎禽。俯伏紅雲嶼。忘機對語。儘較豆量長。昨非今是。未害老仙趣。山中計。長史詎能羈許。糊塗政合歸呂。交梨火棗如絨惠。何必雲林攜句。餅醕問玉醴金漿。通我仙宗譜。嘗聞往古。說丹近蓬萊。風猶引去。何處覓縣圃。

買陂塘。旋栽楊柳。參知漁艇機務。巨以冒涉風濤險。此際纒烟維雨。朝泊渚。到日落滄波。移傍寒梅嶼。翠禽無語。甚雪意方深。月明空載獨棹始成趣。鑾坡夢。年少紛紛權許。科名更欲伴呂。桃花浪暖多肥鱖。

不識綠蕤詞句。常載醕。豈特與筆牀茶竈聯文譜。閒忙今古。是世上何人。淵明日涉。董子不窺圃。
 買陂塘。旋栽楊柳。池亭檢校公務。團茅時復。羲皇上。驚夢每勞。窗雨東望。渚卻不似西偏。略徇雙嶼。于
 時語語。待柳色環堤。荷香入座。方足倚闌趣。園丁慙。直把廉名自許。端如司馬家。呂十千。護得簪前柏。
 莫詠蟄龍奇句。誰酌醕。試共看東臯五斗先生譜。明當做古。要渠列箕疇。隔縣義書。學取晦翁圃。
 買陂塘。旋栽楊柳。平堤檢校公務。近來不用新沙築。屐齒要深。苔雨蘭藝。渚植桂樹團圓。宛在池中嶼。堤
 應怨語。只有恨柔條。無情飛絮。日與我同趣。周垣下。杖策已蒙神許。饅瓜何用懷。呂丈夫志。不期溫飽。
 愧爾碧紗籠句。行且醕。聽絃索迎風吹入新翻譜。由今視古。對草綠西湖。裙腰一道。端合讀西圃。
 買陂塘。旋栽楊柳。飛橋檢校公務。當年題柱非無意。借用墨池玄雨。沱共渚。早有路潛通海上三神嶼。歸
 來笑語。便玉帶橫空。金鯢跨海。安有野亭趣。裴中令。別墅相師。惟許倡酬聲。應鍾呂。若教子午成丁卯。
 容得老漁尋句。忙喚醕。好淨洗窮愁。卻與論詩譜。西風道古。我欲繫匏瓜。匏瓜何在。緱氏已無圃。
 買陂塘。旋栽楊柳。密臺檢校公務。西山遠獻千巖壑。總解蓄雲藏雨。臨淺渚。更俯視銀濤。萬頃搖孤嶼。姮
 娥寄語。約靜影浮光。浴金沈璧。方領眺蟾趣。登臨地。休道主人先許。買鄰邀我從。呂黃金鑄。作千錢賀。
 不及無須新句。刺綠醕。甚欲把園亭草木隨時譜。歌斷驗古。看祭韭條桑。薪樗剝棗。納稼築場圃。
 買陂塘。旋栽楊柳。夢中還理家務。十年不到衡山麓。孤負楚雲湘雨。蘋暎渚。渺杜若江離。香接烟霞嶼。口
 心相語。爲蠅驪東西。雲龍上下。誤卻釣游趣。生平志。願識平輿二許。煌煌岳降。申呂斐詞。敬爲先生壽。

博得月章星句。毋我醅。只小草幽蘭。心醉離騷譜。松存徑古。待遊遍西園。荷鋤歸去。吾亦愛吾園。

楨和

買陂塘。旋栽楊柳。求田專理農務。扁舟來往烟波裏。青簫綠篴。風雨時泛渚。把遠岫遙岑。收拾來孤嶼。黃華解語。道鳳閣鸞臺。黃塵烏帽。爭似醉鄉趣。洄溪上。道士而今惟許。非熊夢斷姜呂。水聲山色相縈繞。涌出筆端新句。斟桂醪。聽萬籟笙竽。一派仙家譜。休論往古。向種菊籬邊。觀魚軒外。晚節有秋圃。買陂塘。旋栽楊柳。閒人忙過曹務。山翁溪友來相賀。昨夜應時甘雨。舟泛渚。有茶竈相從。同過東西嶼。鷗邊自語。是午夢初回。餘醒未解。七椀得真趣。神仙事。雲海茫茫何許。何人巖下逢呂。詩家卻有還丹訣。萬景點成奇句。公自醅。且山水徜徉。莫考飛升譜。悠悠萬古。看一片烟霞。四時風物。吾圃卽玄圃。

有孚

圭塘雜詠 井序

圭塘亭臺浚築之役。經始及落成。有孚實皆與聞。吾兄時一來遊。雖乘興忘返。而芳春長夏。秋晴冬煥。有孚獨得賞翫。竟日不敢孤兄之賜。謹取日所爲事各成小詩。題曰圭塘雜詠。用發長者一笑。塘之可詠者不止此。又當別撰拜呈。

作樂導水

一部香山池上樂。等閒誰遣到圭塘。水聲更比樂聲好。鳴玉漱雲來未央。

攜妓落成郡守失聲香，治具率寮友來賀，喜甚，大醉而歸。

皂蓋朱幡寮友隨，池亭終宴不知疲。笑扶紅袖山翁醉，寧問街頭拍手兒。

柳下聽鶯

陰陰烟翠足潛身，其奈嬌喉百轉新。卻憶當年圖閣曉，恩袍光照上林春。

登第日唱名西宮，密邇上林，嘗聞鶯也。

舟中對鷺

風標公子雪衣裳，來把蓮池野景妝。鼓浪鳴橈不驚去，主人機事久相忘。

荷觴酌酒

珍珠紅貯碧琉璃，故摘新荷代酒卮。看取持盃舊時手，肯教宮錦笑淋漓。

蕉葉題詩

綠映書窗兩樹蕉，興來得句就揮毫。何時更草閒居賦，卻笑街頭紙價高。

荷淨納涼

晚來池上據胡牀，荷葉荷花遠益香。不待輕風來鼻觀，一襟煩暑自清涼。

開窗看雨

白雨跳珠響翠荷，秋聲剛比夜來多。天公不破爲霖手，捲地狂風可奈何。

時大旱，連日雨作，皆被風吹散。

松陰獨釣

圭塘款乃集

滿地松陰草似茵。漁竿聊復樂吾真。無端凡子忽相過。便說嚴灘與渭濱。與客泛舟

青簾畫舫木蘭橈。佳客來游不待招。莫話濟川當日事。且乘明月聽吹簫。

日夕觀山

晚晴亭上看巉巖。萬壑千峰起翠嵐。恰似雲間招五老。今宵有夢定江南。

西堤晚眺

雲影天光隔小橋。一亭如翼水週遭。東隅不似西堤好。日照平林古塔高。

雨中移竹

琅玕新綠滿亭臺。雨雨風風手自栽。玉立明年看新笋。凌雲會使鳳凰來。

月下觀梅

月照新堤水見沙。暗香浮處影橫斜。詩人同愛多成癖。不獨西湖處士家。

倚檻觀魚

魚我相忘樂可知。漆園仙老不吾欺。眼前無限濠梁興。獨咏鄉賢石刻詩。

魏公有觀魚
軒詩石刻。

邊堤種菊

酒熟同招隱士看。饑來忍把落英餐。春風無限閒桃李。不似黃華耐歲寒。

竹間開筵

陰分老翠濕分苔。洞府通幽一筵開。底用三三煩杖屨。此中風月足徘徊。

水口聽琴

潺潺石溜最宜琴。悵望佳人勞我心。誰識淵明琴外趣。只愁流水負知音。

獨坐投壺

小童傳箭侍投壺。勝負無爭祇自娛。四面芙蓉風日美。絕勝客舍夜呼盧。

登臺縱目

白雲飛處太行低。遠近川原望眼迷。西北蒼烟護喬木。佳城鬱鬱是洄溪。

調白蓮始花

素娥乘月下瑤臺。翠羽霓旌次第開。宴罷渚宮歸去晚。玉杯遺在碧雲堆。

調木芙蓉不花

隄上芙蓉池內連。要看水木鬪清妍。雲舒霞卷知何在。目斷秋江思黯然。

調湖石

嶄然山立勢巍巍。巖岫封苔碧帶緋。幸免秦家鞭叱苦。從教雲去笑無衣。

聽箏

雁柱參差銀甲輕。水亭虛敞助絃聲。從知不似南薰譜。且向尊前解酒醒。
可翁和

作樂導水

洄溪滾滾源頭活。分得枝流入小塘。恠底凝雲吹不散。管絃聲滿水中央。
攜妓落成

一學才空一曲隨。胼胝今日頓忘疲。年來懷抱須陶寫。敢笑長安衆富兒。
柳下聽鶯

萬條金縷裊長身。勾引遷喬語意新。休向建章誇百轉。陶家門徑有餘春。
舟中對鶯

禪定聯拳斂素裳。豈知船上載紅妝。主人有約君毋忽。多少魚兒要汝忘。
荷觴酌酒

野人飲具謝玻璃。自有天然軟玉卮。蕩漾翠濤擎不定。有人談笑縱淋漓。
蕉葉題詩

騷鄉綠緒寓芭蕉。翠瑩尤宜運紫毫。風致於詩真有助。卯君才調况清高。
荷淨納涼

柳陰多處著方牀。萬柄無塵各有香。危坐悠然受清供。風聲撼撼更秋涼。

開窗看雨

雲時清響鬧新荷。其柰龍公不肯多。窗外風光吾不校。四郊禾黍定如何。

松陰獨釣

半世京華因鼎茵。高風時復夢玄真。可憐綠木求魚者。今日君其問水濱。

與客泛舟

欸乃聲中動畫橈。不煩舟子更相招。而今赤壁荒寒裏。試問何人有洞簫。

日夕觀山

林虛千仞翠巖巖。罷盡工夫在莫嵐。徙倚崇臺觀未足。紅輪西北月東南。

西隄晚眺

小亭何用赤闌橋。細柳新荷綠四遭。落日胡床更東望。碧天如水月輪高。

雨中移竹

山人聚景作池臺。移得龍孫帶雨栽。頃刻雲開晴日上。便教陰過酒尊來。

月下觀梅

空明雲水碧搖沙。疎影尤宜竹外斜。爲我殷勤謝僧父。莫疑繁李玉川家。